

AZỌN PO TINTẸNPỌN HẸZEKIA TỌN PO

2 Ahọlu lẹ 20:1-18; 2 Otànnugbo lẹ 32:26,31-33

NUPINPLỌN 345 – NA MẸHO LẸ

Nupinplọn Do Tamẹ: "Dindòna mi, Jihwéyẹwhe E, na a ni yọ́n ayiha sie: hwlé mi pọ́n, na a ni yọ́n tùmajai sie lẹ: Bo sọ pọ́n eyín aliho ylankan de tin to ohò sie mẹ, bo sọ hẹ́n mi gbọ́n aliho madopodo lọ mẹ" (Psalm 139:23, 24).

I Azọ́n Hẹ́zekia Tọ́n To Ojilé He Mẹ́ Juda To Tukla Mẹ́ Te

1. Awhànviṣe Sennakelibi tọ́n hẹ́n Jelusalẹ́m savò: 2 Ahọlu lẹ 20:6; 18:17.
2. Isaia dọ́ na Hẹ́zekia dọ́ ewọ́ na kú to azọ́n etọ́n mẹ: 2 Ahọlu lẹ 20:1; Isaia 38:1.
3. Hẹ́zekia viavi to Oklunọ́ nukọ́n: 2 Ahọlu lẹ 20:2,3.

II Jihwéyẹwhe Azọ́n Jawuwàtọ́

1. Jihwéyẹwhe gọ́ Isaia hlan na ogbèyina odẹ́ etọ́n tọ́n: 2 Ahọlu lẹ 20:4-6.
2. Yẹ́ hẹ́nazọ́ngbọ́ na Hẹ́zekia: 2 Ahọlu lẹ 20:7; Jakọ́bu 5:14,15; Eksọ́dusi 15:26.
3. Jihwéyẹwhe na ohia de: 2 Ahọlu lẹ 20:8-11; Malku 16:17,18.

III Tintẹ́npọ́n Hẹ́zekia Tọ́n

1. Hẹ́zekia yí jonọ́ sọ́n Babilọ́ni wá: 2 Ahọlu lẹ 20:12,13; 2 Otànnugbo lẹ 32:31.
2. Ayiha Hẹ́zekia tọ́n zedaga: 2 Otànnugbo lẹ 32:25,26; Psalm 101:5; Hówhínwhẹ́n lẹ 6:17.
3. Isaia wọ́hẹ́ Hẹ́zekia, e sọ́ dọ́ dogbọ́n ojilé kanlinmọ́gbenu tọ́n dali to aigba Babilọ́ni tọ́n ji: 2 Ahọlu lẹ 20:14-18.
4. Hẹ́zekia kú: 2 Otànnugbo lẹ 32:32, 33.

OTADENA

Huhlọ́n To Madogán Mẹ́

Yẹ́ zé owùn de do lanmẹ́ na Paulu na ewọ́ ni mado zédaga blo. E vẹ́ Oklunọ́ whla atọ́n na yẹ́ ni do de e sẹ́, ẹ́gba onú he yẹ́ dọ́ na ẹn wẹ́ ehe: "ojomion sie ko pé we, na madogán mẹ́ wẹ́ yẹ́ hẹ́n huhlọ́n sie sogbe te" (2 Kọ́lintinu lẹ 12:9). Nugbo wẹ́ dọ́ to ojilé hwlepọ́n po azọ́n po tọ́n mẹ, whenuena mí tin to madogán mẹ́, otudido mítọ́n to Jihwéyẹwhe mẹ́ nọ́ sùdeji, huhlọ́n Jihwéyẹwhe tọ́n na sọ́ sọ́awuhia.

Miyọ́n Mejladotọ́

Hẹ́zekia ahọ́lu yín gbẹ́to jijo-di Jihwéyẹwhe nọ́, mẹ́he yí ayiha etọ́n lẹ́po do sẹ́n Jihwéyẹwhe; sogan hwlépọ́n sùsù wẹ́ pannukọ́n ẹn nado tẹ́n ẹn pọ́n podọ́ nado whiwhe ẹ́. Sennakelibi po awhàn Asilia tọ́n po fọ́n do e ji; vivàsúdo sọ́ pavává do ahóludù Juda tọ́n ji. Na Hẹ́zekia nido doakọ́nna hwlepọ́n helọ́, e hẹ́n ede yín huhlọ́nno to Oklunọ́ mẹ́. Nado hẹ́n ohó lọ́ sinyẹ́n dogó, ojilé he mẹ́ yẹ́ pé awhàn hẹ́ ẹ́ te lọ́ mẹ́ wẹ́ e jeazọ́n kaka jẹ́ okú donu. E taidi dọ́, nado yí dogó tukla etọ́n, yẹ́ sọ́ do yẹ́whẹ́gán Isaia hlan nado dọ́ na Ahọ́lu omẹ́ ohwẹ́ gbantọ́n nukun ẹnẹ́ (39) mẹ́ho nado dó ohwẹ́ etọ́n do gánji na ewọ́ na kú.

Pọ́n le azán lọ́ na yín azán awubla tọ́n sọ́ na ahọ́lu helọ́ whenuena Isaia dowẹ́n okú tọ́n ẹn, bo sọ́ jo e dai domọ́! E na taidi dọ́ awhàn olonzodo tọ́n lẹ́po wẹ́ fọ́n do e ji, olọ́n lọ́su ga sọ́ taidi ogánvẹ́ to ota etọ́n ji. Hẹ́zekia lẹ́ nukunmẹ́ etọ́n hlan adógo, to awubla ayiha etọ́n tọ́n mẹ, e viavi vivẹ́ vivẹ́. Pọ́n le ogbegblọ́n he do huhlọ́n wá sọ́n Jihwéyẹwhe de do whenuena Jihwéyẹwhe mọ́ dọ́ miyọ́n nukunbibia tọ́n díbla dù devi Etọ́n ji. E taidi whenuena Ablaham zé ohí daga nado yí ovi etọ́n dopo akàn lọ́ do sánvọ́, bọ́ Angẹ́li Oklunọ́ tọ́n sọ́ jlẹ́gbe na ẹn sọ́n olọ́n wá bo sọ́ doalqte na ẹn. Na Jihwéyẹwhe ni ma nọ́ ma dohia ovi Jihwéyẹwhe tọ́n lẹ́po dọ́ Mẹ́he to Levi jlado yọ́n sika Etọ́n, Ewọ́ ma na sọ́ dike miyọ́n ni yín huhlọ́nno hugan le eje do nado jla ovi Etọ́n lẹ́ do gba!

Azọ́n Ohia Tọ́n Po Azọ́njawu Po

Nawẹ́ azọ́n Oklunọ́ tọ́n ko yín jawu sọ́! Nawẹ́ alọ́gọ́ Etọ́n ko klo sọ́ whenuena E dẹn alọ́ Etọ́n tọ́n jẹ́gbonu! Po ohia po, po azọ́n jawu po, E do ede hia Hẹ́zekia. Angẹ́li okú tọ́n jugbọ́n ahọ́lu Juda tọ́n ji

wáyì bo sọ hù awhànvipẹ Asilia tòn lẹ, e jo Sennakelibi dai nado lẹgò yì Nineve po nukunmẹ yinylan po podọ po winyan po, le awfli Ziṣoni tòn lẹ to ota yeton mimí, bọ yé sọ to vivlẹ ẹ ko.

E ma yín onú helẹ kẹdẹ wẹ onú jawu he jọ to azán he yè ma sọgan wọnji ego helọ gbè gba, na Jihwéyẹwhe sọ lẹkọ na Isaia nado dọ na Hezekia dọ Ewọ na hẹnazòngbọ na ẹn, Ewọ na sọ yí ohwè fọtòn (15) dogó ohwè eton. Nado hẹn adọ eton ai dọ owen lọ wá sọn Jihwéyẹwhe de wẹ, Isaia dahwá ylọ Oklunọ, Jihwéyẹwhe sọ hẹn owè gọyì godo na nukun hwihwè kande, owè jlẹnu Ahazi tòn ma na nọ ma gbowhenu whenuena oyè gọyì godo na afòdide ao. Pón zingidi he hunkọ na tin to gbẹtọ he tin to aihon mẹ lẹ sẹnsẹn nado mọ dọ owè gọyigodo to olon aga! Eyín mayisenọ lẹ jlo yé sọgan yí onú he jọ helọ na ovlẹko: sọgba Jihwéyẹwhe Hezekia tòn wẹ Jihwéyẹwhe he dá owè, aihon po dovlomẹ po; Ewọ wẹ hẹn onú he tin to aihon mẹ lẹpo wázon to gbesisọ mẹ: Eyín E sọ jlo E sọgan diọ tito helọ hlan tukla mẹhe ma yise lẹ tòn.

Pipa

Pón le ayajẹ lọ na sù sọ podọ le ohwè Oklunọ tòn na gọ na ohàn ayajẹ tòn do to azán atòntọ gbè whenuena Hezekia wá nado na opẹ hlan Jihwéyẹwhe na dedlante podọ ohwè fọtòn (15) he yè yí dogó ogbezán eton! "Na kutomẹ ma sọgan pà we, okú ma sọgan pagigona we: yé he tejẹ yídogbo lẹ mẹ ma sọgan do tódido na nugbo towe. Ogbẹno, Ogbẹno, ewọ wẹ na pà we, dile yen to bibasi do to egbe he". Ohó helẹ wẹ tón sọn onú ahọlu tòn mẹ, bo sọ gba pe ohọ lọ lẹpo mẹ. Onú he sọ nọ yí ogbè, yí i gba pe Tẹmpli lọ lẹpo mẹ.

Azònhẹngbọ

Nado hodẹ hlan Oklunọ na azònhẹngbọ kẹdẹdile Hezekia ko wà do ma yín onú yóyọ de hlan ovi Jihwéyẹwhe tòn lẹ gba. Oklunọ ko dopagbè dọ, "na yen Oklunọ he hẹnazòngbọ na we wẹ" (Eksòdusi 15:26). To ohó eton mẹ, yè plonnu mẹhe yè to nukunbia na lẹ nado hodẹ, yè sọ jlẹgbena azòntọ lẹ nado ylọ "Mẹho agùn tòn lẹ na yé ni hodẹ do e ji, bo kọn amisisa do ota nẹ to oyín Oklunọ tòn mẹ: podọ odẹ yise tòn na whlẹn azòntọ gán, Oklunọ nasọ zé e tite" (Jakọbu 5:14,15). Huhlẹn Eton nado hẹnazòngbọ ma yín whiwhla kaka jẹ egbẹhe gba na mẹ he dotu do E go lẹ.

Yè hodẹ do yé mẹhe dotu do awà gbẹtọ tòn go, bọ ayiha yeton sọ fónyì sọn Oklunọ de. Homẹ Jihwéyẹwhe tòn ma hùn do Asa go ewọ mẹhe "ma din hlan OKLUNỌ de gba, adavo hlan amanọ lẹ de (2 Otànnugbo lẹ 16:12). Asa ma mọ azònhẹngbọ, e sọ kú; sọgba Hezekia hodẹ bo sọ gán. Mèdele sọgan nọ len dọ sínsẹn ovotin tòn he Isaia dọ na Hezekia nado zé e tẹ do nutitẹ lọ go yín apajlẹ amasin zinzán tòn. E ma yín bibasi na sínsẹn votin tòn nado hẹn nutitẹ lọ gbọ gba. Kẹdẹdile e ma ko yín bibasi na otọ Jodani tòn do, nado hẹn opozon gbọ. Okọ yinyan he Jesu zán nado sádo nukun dawẹ nukuntónnọ nẹ, ma yín amasin na nukun he ko tón gba, kẹdẹdile he amisisa he mọho agùn tòn lẹ nọ kọn do azòntọ lẹ ji ma yín amasin azònhẹngbọ tòn do. Tonusise hlan ogbèdide Jihwéyẹwhe tòn po yise to Jihwéyẹwhe mẹ po wẹ nọ hẹn azòntọ lẹ mọ azònhẹngbọ yí; yeyiwlé namẹ kavi alọgọ gbẹtọ tòn ma tindo nude nado hẹn hwihwle Jihwéyẹwhe tòn sẹ gba. Gbọ na mẹhe to Jihwéyẹwhe sẹn lẹ ni dotu do E go sọn ayiha yeton lẹpo mẹ "Mẹhe hẹn azon towe lẹpo gbọ" (Psalm 103:3).

Zedaga

"Sọgba Hezekia ma sọ wọ gọjọ kẹdẹdi dagbewà he yè wà hlan ẹn gba, na yè zé ayiha eton daga" (2 Otànnugbo lẹ 32:25). E ko tindo lanmẹ liló, adánşan dùdù Asilianu lẹ tòn ko zùn ovó, adọkùn po yeyi po ko sọ tin na ẹn, e jẹ na Hezekia ni zinzonlin to whiwhé mẹ to mędatọ eton he ko wà onú jawu na ẹn nukon. Sọgba whenuena wẹnzagun lẹ hẹn núnina Babiloni tòn wá na ẹn, ayiha eton don sẹbọ do yé go. Po zedaga ayiha mẹ tòn po e dó adokunnu eton lẹpo hia yé. Devo dogó Jihwéyẹwhe do yewhẹgán Isaia hlan Hezekia nado wọhẹ ẹ na owalọ nulunọ eton tòn wutu.

"Sakla wẹ nọ jenukon na húsúdo, ayiha adingbannọ nọ jenukon na ayijijẹ" (Hówhínwhẹn lẹ 16:18). Onú he Hezekia po Juda po to didohia lẹpo po zedaga po wẹ yè na bẹsẹ sọn alọ yeton mẹ. Adokun he yé do to vinvlón lẹpo wẹ na jẹ alọ Babiloninu lẹ tòn mẹ mẹhe nukon yé to kikla te lẹ. Na Jihwéyẹwhe ni goalọ na mí nado yonẹn dọ zedaga yín osunú to Jihwéyẹwhe nukon. "Osùpò kúkú hẹn núsísá flusọ tòn gble na e ni lùnwán ylankan mowẹ onulu pẹvide wà na ewọ he tin to nuyonẹn po yeyi po mẹ" (Yẹwhẹhodọ 10:1).

Whiwhe

Hēzekia yí owóhẹ he sòn Oklunọ de, kẹdẹdi omẹ gágán e whiwhe ede; Jihwéyewhe sọ dẹn bibé sọ yí Juda tọn yí nukọn sọmọ bọ e ma do sọ yín jijò to azán Hēzekia tọn lẹ mẹ gba. Nugbo, Jihwéyewhe nọ do yeyi whiwhe nọ lẹ go, E "bo sọ whlẹn yé he yín ayiha finfinyọnnọ lẹ gán" (Psalm 34:18). Oklunọ de nukun pọn omẹ di Ahabi hlọnhuto, whenuena e whiwhe ede dogbọn owóhẹ Elija tọn dali; E sọ sè odẹ Manasse he yí ohùn dódónọ lẹ tọn gọ Jelusalẹm na e whiwhe ede talala wutu. Jihwéyewhe nọ dẹn alọ lẹblanu Etọn tọn hlan yé he whiwhe yéde lẹ bo sọ yón yéde di whẹgbledonọ to nukun Etọn. "Mi whiwhe mide to Oklunọ nukun, Ewọ na sọ zé mí daga" (Jakọbu 4:10). Kavi hiẹ ko yín kiklo to nukun dewe tọn mẹ nado whiwhe dewe dai?

OKANBIỌ LẸ

1. Hia otàn gbẹzán Hēzekia tọn haji haji bọ a ni sọ dọ le hiẹ yọnen gbọn dọ azọn plá ẹ do to ojilẹ he mẹ Sennakelibi fónawhàn do aigba Juda tọn ji te.
2. Dọ vude to onú he Hēzekia basi to ahọludu etọn whenu whẹpo e do jẹzọn.
3. Ohwè nẹmu mẹho wẹ Hēzekia whenuena e jẹzọn?
4. Na e dẹn sọ whẹpo Jihwéyewhe do sè odẹ etọn na azọnhẹngbọ?
5. Dó vude hia to Ohó Jihwéyewhe tọn mẹ he hẹn mí nado dotu do Jihwéyewhe go na azọnhẹngbọ.
6. Nawẹ yè yọnen do dọ nukun hwihwè kande wẹ afọdide ao to owhèjlẹnu Ahazi tọn mẹ?
7. Azọn tẹ wẹ sinsẹn ovotin tọn wà to azọnhẹngbọ Hēzekia tọn mẹ?
8. Dó dọdai devo lẹ hia dogbọn bibéyi kanlinmọgbenu yí aigba Babilọni tọn ji tọn dali.
9. Etẹ wẹ zọn bọ homẹgble Jihwéyewhe tọn ma do wá Jelusalẹm to ahọludù Hēzekia tọn whenu?